

Fürwoht.

Wie em vörige Johr su hät de Zunft och en dijem Johr ihr Leeder en en Heffche zesamme gebrasselt. En der Hauptaach sin de diesjöhrike Leeder us 'ner Prießbewerbung hervörgeganke, die de Zunft veranstalt hat un wozo de Deechtere öffentlich engelade wode sijn.

De Bethetigung an der Konkurrenz es en räch ansinnliche gewäß, su dat et dene Prießrichtere schwer gefalle es, us all dem goden et beste erns ze sööke. Als Prießrichtere wore bestalt der Präsedent Breit, der Vicepräsedent Nixdorf, der Här Rektor Schumacher und der vörigjöhrike Vicepräsedent Stoffers.

Der ehchte Prieß, ene schöne selvere Orde, eß einstimmig dem Här Nonnen us Kölle zoerkannt wohde un die andere Deechtere, dene ihr Leeder met em Stääche (*) bezeichent sijn, frägte mallich en ihrende Anerkennung. Die üvrige, die fei Stääche han, wore nit en der Konkurrenz, sondere sin vun Zunftbrödere gemacht.

Dis Johr ha'mer op et Titelblatt och de zwei Wötcher „Nachdruck verboten“ gesaz, un zwor deshalb, weil se uns em vörige Johr uns Leeder einfach geklänt han — un zwor Lück us de beste Familie — ohne uns och nur de Zhr anzoduhn un uns ze froge. Wer en dijem Johr esu unverschäm an der „Alamatis“ lick, dä weht vun uns gründlich kureet. Em andere Fall ävver, wenn einer uns maneerlich fragen dheit, wähdre mer gäge de Benozung vun unsem Leederboch nix enzowenden han.

Un domet: alaaß der Fasteleer! Singt se met derselbige fresche Fastelovends Loß, met der de Leeder geschrevde sijn!

St.



